

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama BiH („Službeni glasnik BiH“, broj 39/14 i 59/22), te na osnovu preporuke Komisije za nabavke, a po provedenom postupku za nabavku radova putem otvorenog postupka, Pomoćnik gradonačelnika za Službu za komunalne poslove, izgradnju i poslove mjesnih zajednica, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije za nabavke, te se okvirni sporazum za javnu nabavku radova – **Nabavka radova na tekućem održavanju lokalnih puteva na području Grada Tuzle**, dodjeljuje ponuđaču „**CESTOTEHNIK“ d.o.o. Tuzla** koji je, nakon provedene e-aukcije, u kojoj nije bilo podnošenja ponuda, dostavio najpovoljniju ponudu u vrijednosti od **3.840.420,00 KM bez PDV-a, odnosno 4.493.291,40 KM sa PDV-om.**

Član 2.

Ova Odluka se dostavlja ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

Član 3.

Ova Odluka objavit će se na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-007966-2023 od 31.05.2023. godine.

Postupak nabavke je proveden putem otvorenog postupka javne nabavke sa namjerom zaključivanja okvirnog sporazuma sa 1 (jednim) ponuđačem na period od 2 (dvije) godine, a za koji je objavljeno obavještenje o nabavci broj: 1004-1-3-53-3-104/23 objavljeno na Portalu javnih nabavki dana 31.05.2023.godine.

Postupak javne nabavke provela je Komisija za nabavke imenovana Rješenjem broj: 05/11-A-007966-2023 od 31.05.2023.godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 4 (četiri);
- da su blagovremeno zaprimljene 4 (četiri) ponude;
- da nije bilo neblagovremenih ponuda;
- da su 4 (četiri) ponude prihvatljive;
- da nije bilo neprihvatljivih ponuda.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač „CESTOTEHNIK“ d.o.o. Tuzla, nakon provedene e-aukcije, u kojoj nije bilo podnošenja ponuda, dostavio ponudu sa najnižom cijenom, koja je u okviru procjenjene vrijednosti predmetne nabavke.

Detaljno obrazloženje razloga za izbor najpovoljnijeg ponuđača, navedeno je u Zapisniku o pregledu i ocjeni ponuda i Zapisniku nakon provedene e-aukcije koji se uz ovu Odluku dostavljaju svim ponuđačima koji su učestvovali u postupku nabavke. Obzirom da je kriterij za dodjelu okvirnog sporazuma najniža cijena odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema ove Odluke.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA**

**Služba za komunalne poslove, izgradnju
i poslove mjesnih zajednica
Broj: 05/11-A-007966-2023
Datum, 07.07.2023. godine**



**Pomoćnik gradonačelnika za
Službu za komunalne poslove, izgradnju
i poslove mjesnih zajednica**

Dr. sc. Miralem Mulac, dipl.ing.geol.